



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ars Bonæ Mortis. Sive: Quotidiana Erga Sanctissimam Dei Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, 1709**

XXV. Augusti.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

S. Ludovicus Rex Galliarum, singulis, quantum poterat, diebus aut officio B. V. interfuit, aut privatim absolvit, quovis sabbatho trium pauperum pedes lavit, & exosculatus est. Plura Mariæ templa erexit, cujus patrocinium sæpius expertus, in tempestate spectabilem vidit, & ab eadem audivit: Ne timeas: ego ero auxilium tuum. *Nad. an. Cœl.* Est, qui etiam Regibus dominetur.

S. Ludovice! quod pro te Deum Mater tua Blancha, hoc tu pro me Deiparam ora, ut si præviderit me in aliqua occasione peccato gravi consensurum, prius è vita discedere patiatur. Malo enim mori, quam scædari. Certus, mortem hanc futuram transitum ad beatam æternitatem, si prius moriar, quam peccato consentiam. O Sanctissima DEI, & mea, Mater pretiosissima! ego N. indignissimus filius tuus ex toto corde, omnibusque tam corporis quam animæ viribus centies millies, imò infinities te saluto: te omni possibili omnium possibilium, &c. *fol. 190.*

Ad quod impetrandum: In JESU MARIÆ ac Josephi memoriam tribus hodie pauperibus ope vel spirituali vel corporali succurram.

In exitu animæ meæ de hoc mundo occurre illi Domina, & suscipe illam; consolare eam vultu sancto tuo, ne aspectus Dæmonum conturbet eam. *S. Bonav. Psalm. 113.*

Quæstio: An corpus Deiparæ sit in cineres redactum? *v. Barrad. to. 1. in Ev. c. 13.*